



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJAKOVË

Numri i lëndës: 2018:020510

Datë: 26.07.2018

Numri i dokumentit: 00090981

P. nr. 43/18

NË EMËR TË POPULLIT

GJYKATA THEMELORE NË GJAKOVË-Departamenti i Përgjithshëm, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit **K. J.** nga Gjakova, për shkak të veprës penale lëndim i lehtë trupor nga neni 188/1 -1.4 të KPRK-ës, sipas Aktakuzës të Prokurorisë Themelore-DP në Gjakovë, PP/II.nr.1340/17 të datës 23.01.2018, në shqyrtimin gjyqësor fillestar të mbajtur më datë **24.07.2018**, në prani të Prokurorit të shtetit Ramiz Buzhala, mbrojtësit të akuzuarit av. D. D. si dhe të akuzuarit **K. J.**, mori dhe publikisht shpalli këtë:

A K T G J Y K I M

I akuzuari **K. J.** nga Gjakova, Rr “...”, i biri S. dhe i nënës A. e gjinisë B., data e lindjes ..., ka të kryer shköllën e mesme, instalues i ujit, e gjendjes së mesme ekonomike, shqiptar, shtetas i R. Kosovës, në bashkësi jashtëmartesorë, me nr

Ë s h t ë f a j t o r:

Sepse:

- me datë **12.08.2017**, rreth orës **22.10 min**, në rrugën “...” në Gjakovë, pikërisht në lokalitetin “...” i shkakton lëndime të lehta trupore personit tjetër, këtu të dëmtuarit **B. Zh.**, në atë mënyrë që për shkak të një mosmarrëveshjeje të me hershme mes tyre lidhur me një femër e cila natën kritike ishte e ulur në tavolinë me të dëmtuarin dhe një shoqe të saj i pandehuri duke kaluar për rreth tyre i drejtohet me fjalët “se pse me shikon” pasi që i dëmtuari i përgjigjet në mënyrë të njëjtë, i pandehuri i revoltuar nga kjo e sulmon duke e goditur me boks në vetullën e djathtë dhe në pjesët tjera të trupit, me ç’rast të dëmtuarit **B. Zh.** i shkakton lëndime të lehta trupore, lëndime të konstatuara dhe të përshkruara hollësisht në ekspertizën mjeko ligjore të Dr. N. U. të dt. 01.10.2017.

-me çka ka kryer veprën penale lëndim i lehtë trupor nga neni 188/1-1.4 të KPRK-ës .

Andaj Gjykata në mbështetje të nenit 4,41,43,46,73, nëniti 188par.1-1.4 të KPRK-së dhe nëniti 365 të KPP, të akuzuarit i shqipton;

DËNIM ME GJOBË

Dënim gjobë në shumë prej **250 (dyqind e pesëdhjetë) euro**, të cilin shumë obligohet që ta paguaj në afat prej 30 ditësh , pasi që Aktgjykimi të merr formë të prerë e nën kërcënim të përmbarimit me dhunë.

Nëse dënimi me gjobë nuk mund te ekzekutohet as me detyrim dhe në forma tjera të parapara sipas nenit 46 të KPK-së ,atëherë i njëjti i zëvendësohet me dënim burgimi ne kohëzgjatje prej **12 (dymbëdhjetë) ditësh** ,duke llogaritur për çdo ditë burgu prej **20,- €(njëzetë)**

I dëmtuari B. Zh. , për të realizuar kërkesën e vet pasurore -juridike udhëzohen në kontest civil.

I akuzuari obligohet që në emër të shpenzimeve gjyqësore të paguaj shumën prej **20.00 €** si dhe ne emër te paushallit gjyqësor shumën prej **20.00 euro** ,ne afat prej **15 ditëve**, pasi që Aktgjykimi të merr formë të prerë ,nën kërcënim të përmbarimit me dhunë.

A r s y e t i m

Prokuroria Themelore - DP në Gjakovë, ka ngritë aktakuzën, PP/II.nr.1340/17 të datës 23.01.2018, kundër të akuzuarit K. J. nga Gjakova ,për shkak te veprës penale lëndim i lehtë trupor nga neni 188 par.1-1.4 të KPRK-së .

Gjatë shqyrtimit fillestar të mbajtur me të datë 24.07.2018, Prokurori i shtetit Ramiz Buzhala lexojë aktakuzën PP/II 1340/17 të datës 23.01.2018 dhe deklaroi se mbetet në tërësi pranë aktakuzës.

I akuzuari K. J. ,gjate shqyrtimit fillestar duke u deklaruar lidhur me fajësinë thekson se pas konsultimit te mjaftueshëm me mbrojtësin av. D. D. e pranon ne tërësi fajësinë sipas aktakuzës me te cilën pandehet duke i ditur edhe me pare pasojat e pranimit te fajësisë dhe atë ne mënyrë vullnetare dhe pa presion, shtojë se deri te kjo vepër ka ardhur ne afekt, premtojë se një veprim i tillë nuk do te përsëritet, më te dëmtuarin asnjëherë me pare unë personalisht nuk kam pasur probleme , kërkojë falje nga i dëmtuari për lëndimet e shkaktuara, pas rastit me te dëmtuarin familjarisht sipas zakoneve jemi pajtuar ,andaj i propozojë gjykatës qe te merr parasysh rrethanat lehtësuese si pranimi i fajësisë, pendimin e shprehur ne gjykate ,pajtimin me te dëmtuarin si dhe faktin se është hera e pare qe kam ra ndesh me ligjin te me shqiptojë një dënim me te butë .

Duke u deklaruar lidhur me pranimin e fajësisë nga ana e të akuzuarit, prokurori i shtetit Ramiz Buzhala deklaroi se nuk e kundërshton pranimin e fajësisë pasi qe i njëjti është i vetëdijshëm për pasojat dhe favoret juridike te pranimit te fajësisë dhe ky pranimi është bere ne prani dhe pas konsultimit me mbrojtësin e tij dhe se aktakuza ka mbështetje ligjore dhe prova te mjaftueshme .

Në shqyrtimin fillestar gjykata ka vërtetuar këtë gjendje faktike :

Ne tërësi u vërtetua se i akuzuari K. J. , **me datë 12.08.2017** ,rreth orës **22.10 min**, në rrugën ...ne Gjakovë, pikërisht ne lokalit ... i shkakton lëndime te lehta trupore personit tjetër , këtu te dëmtuarit B. Zh. , në atë mënyrë qe për shkak te një mosmarrëveshjeje te me hershme mes tyre lidhur me një femër e cila natën kritike ishte e ulur ne tavolinë me te dëmtuarin dhe një shoqe te saj i pandehuri duke kaluar për rreth tyre i drejtohet me fjalët “se pse me shikon” pasi qe i dëmtuari i përgjigjet në mënyrë te njëjtë ,i pandehuri i revoltuar nga kjo e sulmon duke e goditur me boks në

vetullën e djathtë dhe ne pjesët tjera te trupit ,me ç'rast te dëmtuarit B. Zh. i shkakton lëndime te lehta trupore ,lëndime te konstatuara dhe te përshkruara hollësisht ne ekspertizën mjeko ligjore te Dr. N. U. te dt. 01.10.2017.

Gjykata gjendjen e këtillë faktike e ka vërtetuar nga vet pranimi i fajësisë nga të akuzuarit të cilët ne shqyrtimin fillestar vullnetarisht e kanë pranuar fajësinë ,për shkak te se cilës gjykata nuk ka administruar provat , gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimit te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimit te fajësisë ,pranimi është bërë vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza ,ne materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike .

Gjykata nga te cekurat me lartë ka ardhur ne përfundim se ne veprimet e te akuzuarve formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarit të shpalle fajtor dhe ta gjykojen ne bazë te ligjit ,me pare duke vërtetuar përgjegjësisë penale juridike te tij.

Me rastin e marrjes së vendimit mbi dënimin ndaj te akuzuarit, gjykata ka pasur parasysh të gjitha rrethanat nga neni 73 të KPK-së ,të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka marrë parasysh parasysh personalitetin e te akuzuarit, pranimin e vullnetshëm të fajësisë nga i akuzuari të kryer ne afekt, premtimin se nuk do të përsërisë vepra penale ,sjelljen korrekte në gjykim, kërkim falja nga i dëmtuari për lëndimin e shkaktuar, pajtimin me te dëmtuarin sipas traditave dhe zakoneve , pendimin e shprehur për veprën e kryer , me parë nuk ka qenë i dënuar , të gjitha këto ndikuan që Gjykata ka ardhur në përfundim që të akuzuarit ti shqiptoj dënim me gjobë ne shume prej 250 (dyqind e pesëdhjetë) euro ,me të cilin dënim do të arrihet efekti dhe qëllimi i tij nga neni 41 KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer, shkallen e përgjegjësisë së të akuzuarit dhe me rrethanat personale të cilat i posedon i akuzuari.

Vendimi për udhëzimin e palës se dëmtuar ne kontest civil për realizimin e kërkesës pasurore juridike është marr bazuar ne nenin 463/2 te KPP-ës.

Vendimi mbi shpenzimet e procedurës penale dhe paushalli gjyqësor bazohet në dispozitat e nenit 450 par.1dhe 2 nën paragrafi 2.1 dhe 2.6 te KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,
P. nr. 43/18 më datë 24.07.2018**

**Sekretarja juridike,
Flutur Nagavci**

**Gj y q t a r j a,
Ilirjana Hoti**

KËSHILLA JURIDIKE: Kundër këtij Aktgjykimi mund të paraqitet ankesë ,në afatin prej **15** ditësh nga dita e marrjes së tij në dorëzim Gjykatës së Apelit në Prishtinë. Ankesa në kopje të mjaftueshme i dorëzohet kësaj Gjykate.